

## Polarportalip naatsorsuiffik 2019-imut nalunaarusiaa

### Sila panerlunilu kiattoq Issittumi annertuumik aatsitsisoq

Issittumi naatsorsuiffik 2018-19 ataatsimut isigalugu pisarnermit panerneruvoq, aasaaneralu kiassimalluni piffissap ilaatigut annertuumik aatsitsinertaqartumik. Tassa imaappoq sermersuaq ajornerulersimavoq. Sermit iigartartut piffissamut 1986-2018-imut naleyqiuullugu agguaqatigiissillugu arealit annertunerulaartut annaasimavaat. Ukioq manna immap sikua kingumut navianartumeeqqippoq. Upernaannartorli immap sikuata siamasissusia annikitsunngoreerpoq, aasarmallu kiannerata ajornerulersinnarpaa.

### Kalaallit Nunaanni aasaq panerlunilu kiattoq atlantikup "qeerlimiusaarfianut" attuumassuteqarpoq

Pissutsit assigiinnitsut arlaqartut 2018-2019-imi sermimik sikumillu annertuumik annaasaqarsimanermut sunniuteqarput. Ukioq taanna 2018-imi septemberimi aallartimmat Kalaallit Nunaata annersaa pisarnermit panernerusimaqaaq. Kingunerisaanik aattarnerup nalaq 30. april 2019 siusinaarluni aallartimmat sermersuaq apummik saattuinnarmik illersuutissaqarsimavoq. 2019-ip aasaanera assut sivisusimavoq, panerluni kiallunilu, kingunerisaanillu sermersuarmi tamarmi annertoorsuarmik aanneq pisimalluni, ingasammillu kitaani avannaanilu.

Aasaq sivisooq panertorlu ilaatigut atlantikup avannaani anorit nikerartarnerannik nassuiarneqarsinnaavoq, NAO. Tassannga sunniutit ukioq kaajallallugu silatsinnut assut sunniuteqartarput (ingasammilli ukiukkut).

NAO Azorit qulaanni imaluunniit eqqaanni aamma Islandip qulaani silap naqtsinerata nikinganerattut nassuaaserneqartarpoq. Nalinginnaasumik Azorit qulaanni sila naqtsinera qaffasittarpoq Islandillu qulaani appasittarluni. Tamatumma kingunerani anori kippasikannersumit pisarpoq, taaneqartarlunilu NAO'mik nalilersuut pitsaasumiittooq. Ilaannikkut naqtsinerup nikingassutaa annikittarpoq imaluunniit naqtsineq Islandip qulaaniittooq Azorit qulaanniittuminngarnit qaffasinnsarluni. Taamaaligaangat anori kangisikannersumit pisarpoq NAO-millu nalilersuut pitsaanngittumiittarluni. NAO'p Atlantikup qulaani naqtsinikiffit qanoq ingerlaassanersut 'aalajangeeqataaffigisarpa'. Taamaammat NAO Europap avannaani silap qanoq innissaanut pingaaruteqaqaaq. NAO pitsaasumiittooq Europap qeqqani avannaanilu ukiukkut qulismasumik, nerumittumik, sialleqisumik anorlertumillu silaqartitsikkajuttarpoq. NAO pitsaanngittumiittup anorersuit kujasinnerusumut pitikkajuttarpai. 2019-imi aasaq sivisullunilu panertoq NAO'mik nalilersuutip piffissami sivisuumi pitsaanngittumiinneranut attuumassuteqarpoq. Imaakkami NAO'p pitsaanngittumiittup sialuit aputillu Kalaallit Nunaanniit nigortittaramigit, kinguneralue qilak allaaqqissoq saattuinnarmilluunniit qulismasoq, sermip sikullu aakkiartorneranut sukkatsitsiinnartoq.

Misissuinerit arlallit nutaat takutippaat NAO-mik nalilersuut Kalaallit Nunaanni aakkiartornermut pingaaruteqarluunnartoq. Aamma misissuinerit takutippaat ukiuni kingulliunerusuni annikitsumik aaffiusimasut qaammatinut NAO'mik nalilersuummut pitsaasumiittunut atassuteqarsimasut. Siunissami silap pissusissaatut naatsorsukkat NAO'mik nalilersuut pivusorsiortumik takutittassagaat pingarpoq, nalunaaqqutaqarmat nunarsuup silaannaata kissatsikkartornerata NAO'mik nalilersuut pitsaanngitsumiittooq, Issittumi aatsitsinermik annertunerusumik kinguneqartitsisoq, siuarsaraa.

---

## **Tulliuttumi 2019-imi Issittumi alapernaarsuinermi inernerit pingaernerit misissussavagut:**

- 2019-imi Kalaallit Nunaanni aasaq panerlunilu kiattoq
- Sermersuup annertuumik aakkiartorfiunera
- Sermit uukkartarnerisigut oqimaassutsip annikilleriarnera
- GRACE Follow-On-imiit nalunaarsuutit siullit, sulili qanoq iliuuseqannginnikkut
- Sermersuup albedoa, tassa qinngornerit utertinneqartut tiguneqartullu nikinganerat, 2019-imi aatsaat taama appasitsigaq
- Julimi immap sikuata siamasissusia ukiuni 40-ni aatsaat taama annikitsigaaq

---

## **2019-imi Kalaallit Nunaanni aasaq panerlunilu kiattoq**

Kalaallit Nunaanni 2019-ip aasaanera panerlunilu kiappoq. Junip aallartinnerani aamma julip naanerani silaannaq assut kiattoq sermersuakkoorsimavoq, aattarfiullu nalaa sakkortunerulersillugu. Kiassuaq aappassaanik takkusimaarluni ullaunilu pingasuni 31. juli – 2. august sakkortunerpaammat Sermersuup 31 Gt annaavaa, kinguneralugu, immikkoortivillugu, immat 0,1 mm-imik qaffannerat. Naleqqiukkaanni aakkiartorfiup nalaa naallugu agguaqatigiissillugu ullormut aattarneq 3 Gt missaaniippoq. Tassa imaappoq kiassuup nalaani aanneq agguaqatigiissinnermit 3-riaammik annertunerusimavoq.

2018-19 ukiuovoq Summit-imi aannermik kingumut uuttuiffiusimasoq. Tamanna ukiuni 2000-ini kingullerni taamaallaat 6-riarluni pisimavoq. Ukiuni 2016-2017 aamma 2017-2018 sermersuaq annikitsumik alliallapoq. Kisianni ukiunut taakkununnga naleqqiullugu 2018-19-imi Sermersuup qaavata initussusaata oqimaassusaatalu imminnut naleqqiunnerat appasippoq.

---

## **2019 tassaavoq ukioq Sermersuup annertuumik aakkiartorfiunera**

Sermersuup qaavata initussusaata oqimaassusaatalu imminnut naleqqiunnerat (*SMB*) tassaavoq qaavata immikkoortivillugu annertusiartornerata aakkiartorneratalu takussutissaa, nakkutigineqarlunilu uottortaanernik aamma qarasaasiaq atorlugu pisuusaartitsinikkut. DMI-p ullut tamaasa sermeq imaluunniit imeq qanoq annertutigisoq Sermersuup annaasarneraa imaluunniit alliartutigisarneraa pisuusaartitsinikkut naatsorsortarpaa. Pisuusaartitsinerit taakku aallaavigalugit Sermersuup qaavata initussusaata oqimaassusaatalu imminnut naleqqiunnerat Sermersuarmi tamarmi qanoq ineriertornersoq ataatsimut uuttorneqarsinnaavoq (Fig. 1). Ukiup naatsorsuiffiusup naanerani (31. aug. 2019) qaavata initussusaata oqimaassusaatalu imminnut naleqqiunnerata ilanngaatissat ilanngaatigereerlugit inernerera 169 Gt-uviq (1 Gt 1 milliard tonsiupoq, assigalugu sermeq 1 km<sup>3</sup>). Taamaalilluni ukioq naatsorsuiffik una Sermersuup qaavata initussusaata oqimaassusaatalu imminnut naleqqiunnerisa inernerini appasinnerpaat arfineq-aappassaattut inissittoq. Aamma imaappoq Sermersuup qaavata initussusaata oqimaassusaatalu


---

### **Sermersuup qaavata initussusaata oqimaassusaatalu imminnut naleqqiunnerat**

Allat ilangunnagit Sermersuup qaavanut nakkaallutik ilassutaasut aamma aannikkut ilanngaataasut qaavata initussusaata oqimaassusaatalu imminnut naleqqiunnerannik taaneqartapoq. Sialuit/nittaallat Sermersuaq oqimaannerulersittarpaa, Sermersuarlu akkaangat minnerulerlartarluni. Initussutsip oqimaassutsillu tamarmiusup imminnut naleqqiunnerannut sanilliullugu qaavata initussusaata oqimaassusaatalu imminnut naleqqiunnerata Sermersuup qaavani ilassutaasoq ersersittarpaa – tassa imaappoq sermit uukkaraangata aamma imaq kissartup aatsitaa annaaneqartut ilaatinngagit. 1990-ikkunnili qaavata initussusaata oqimaassusaatalu imminnut naleqqiunnerat ataatsimut isigalugu appariartorsimavoq.

imminnut naleqqunnerisa inernerini – 1981-imilli naatsorsorneqartalertut – appasinnerpaat 10 akornanni 9 ukiut kingullit 13 akornanniittut.

Allatut oqaatigalugu aput nakkaasimasoq aassimasumit imaanullu kuussimasumit 169 Gt-inik annertunerusimavoq. 1981-2010-imut agguaqatigiissitsinermit 368 Gt-iusumit 200 Gt-ingajammik annikinneruvoq. Naleqqiuukkaanni SMB naatsorsugaasoq annikinnerpaaq 38 Gt-iinnaavoq 2012-imi. Tamannali oqareernittuat taamaallaat qaavani imminnut naleqqunnerannut atuuppoq, tassa oqimaassusaata ataatsimoortoq pinnagu, tassunga sermit immamik kissartumik aatsinneqartartut uukkartartullu ilaammata.




**Takuss. 1:** Titarneq qulleq tassaavoq qaavata initussusaata oqimaassusaatalu imminnut naleqqunneranni Sermersuarmi sumit tamananit ullormut ilassutaasartoq tamarmiusoq pisuusaartitaq. Titarneq alleq tassaavoq qaavata initussusaata oqimaassusaalu katiteqattaarlugu tamarmiusoq. Titarnerit tungujortut tassaapput 2018-2019-imi pisut. Titarnerup qulliup juli/august 2019-imi aassimaneq annertoorsuaq takutippaa, titarnermilu allermi takusinnaavarput ukiup naatsorsuiffiusup naanerani ukiuni 40-ni nalunaarsuuteqarfisarput eqqarsaatigalugu assut appasissumut inissittoq. Nunap assingani katiteqattaarinerup qanoq agguarsimanera takuneqarsinnaavoq. Kalaallit Nunaata annersaa oqimaassutsimik annaasaqarsimavoq, taamaallaat Tunup Kujassisuanit oqimaassuseq ilasimavoq.

Sermersuarmi aattarnerup qaqugu aamma qanoq aallartittarnerata nalilernissaanut Polarportalimi piffissat marluk atortarpagut. Aappaan aattalernerup aallaqqataani, ima nassuiaaserneqartartoq Sermersuup arealiata 5%-ianik anginerusoq ulluni pingasuni atasuinnarmik aaffiusimasup ullua siulleq. Aappaan tassaavoq aalluni peerukkiartornerata aallartinnerani, ima nassuiaaserneqartartoq Sermersuup qaaminiit ulluni pingasuni atasuinnarmik ullormut 1 Gt-imik annerusumik annaasaqarnerata ullua siulleq. Aaffiusup nalaa 30. april 2019 aallartippoq. Sermersuup agguaqatigiissillugu aattarnerata aallartittarfianit, 26. maj, qaammatingajammik siusinneruvoq. Taamaalilluni 2019 aaffiusartup nalaata siusinnerpaamik aallartiffiani normu 2-tut inissipoq, 2016 kisimi siusinnerusimalluni.


Aalluni peerulluni aallartinnera tassaavoq 11. juni, taannalu agguaqatigiissinnermut tulluarpoq qiterliusumullu 12. juniusumut qanilluni. Kisianni aalluni peerunneq siusinnerujussuakkut

aallartingajappoq. Tassa majip naalernerani ullualuit agguaqatigiissitsinermiit qaffasinnerusumik assut kiaffiusut siusissumik aatsitsipput. Kisianni aalluni peerukkiartorneranut nassuaammut sivikkippallaarmat taama isigineqanngilaq.


Februarimiit junip qeqqata tungaanut piffissaq naallugu qaavata initussusaata oqimaassusaatalu imminnut naleqqiunnerat 2011-2012-imik asseqanngitsumik appasinnerpaaffiusimasumit appasinneruvoq. Kisianni aattarnerup naanerani ukioq 2018-2019 2012-imik rekordiliiffiusumit qaffasinnerusumiippoq – taamaattorli agguaqatigiissitsineq suli assut inorlugu.



**Takuss. 2:** Titarnerup ullut tamaasa tunngavigalugit Sermersuup arealiata tamarmiusup ilaa procentingorlugu qanoq annertutigisoq aaffiusimaneroq takutippaa, qaavata minnerpaamik 1 mm-imik aaffiusutut nassuaaserlugu. Titarnerup tungujortup 2019-imik aannerup siamasissusia takutippaa, titarnerullu qasertup taartup piffissami 1981-2010 agguaqatigiissillugu uuttorneqartup nalinga takutillugu. Qasertup qaamasup ukiumiit ukiumut nikerarerit takutippai, kisianni ullormi qaffasinnerpaap appasinnerpaallu nalingi ilanngaatigalugit. Soorlu takuneqarsinnaasoq titarneq tungujortoq naatsorsuiffik naangajallugu agguaqatigiissitsinermiit qaffasinneruvoq. Julip naanerani aggustusillu aallartinnerani aanneremik pisoqarfiusumi sermersuup qaavata 58%-iani aanneqarpoq, taamaallaat 2012-imik annerusimalluni.



**Takuss. 3:** Nunap assingata takutippaa aaffiup nalaata naanerani aputip killinga sumiinnersoq, t.i. qatsinnerusumi aputtaavoq atsinnerusumilu sermiulluni. Titarnerup takutippaa sermeqarfiusoq qanoq annertutiginoq. 2019-imni sermeqarfiusoq maangamut uuttorneqarsimasoq anginerpaavoq, 2012-iminnagarnit anginerulaaginnarluni.



**Takuss. 4:** Nunap assingisa takutippaa silasiorfinni PROMICE-ni atsinnerusumiittuni 2019-imut ilanngaatissat ilanngaatigereerlugit aassimasup nikinganeri (nalinginnaasumit allaasoq) piffissanut 1981-2010 (saamerleq) aamma 2011-2015 (talerpilleq) naleqqiullugit.

Aamma Sermersuup aannera suliniutip PROMICE ataani sumiiffinni qinikkani toqqaannaq uuttorneqartarpoq. Suliniutip PROMICE'p ataani uuttortaavinni 21-ni tamani sermimik apummillu annasat, ilanngaatissat ilanngaatigereerlugit, uuttorneqartut piffissami 2008-2019 agguaqatigissinneranit qaffasinnerupput. Aanneq annerpaaq Kitaani, Kitaata Avannaani aamma Avannaarsuani pivoq. Tassa uuttortaavinni ukunani, Kronprins Christian Land (KPC), Pituffik (THU) aamma Upernivik (UPE). Qatsissutsini assigiinnngitsuni silasiorfeqarpoq, uuttortaavinniillu appasinnerusuniittunit inernerit piffissami 1981-2010 silaannaap nalinginnaasuuneranut aallaaviusup agguaqatigiissinneranit naleqqiunneqarput. Uuttortaaviit taakku tamarmik 2019-imi aannermiik uuttuinerat piffissaq silaannaap nalinginnaasuuneranut aallaaviusup agguaqatigiissinneranit qaffasinneruvoq.

Sermersuup taama annertutigisumik aassimanera junimi, julimi aamma aggustusimi kiassimaneranut ersiutaavoq, kianneq uuttortaavinni tamani piffissami 2008-2019'ip agguaqatigiissinneranit qaffasinnerusimalluni.


---

## **Sermits uukkartarnerisigut oqimaassutsip annikilleriarnera**

Sermersuaq sermit imaanut atasut aqqutigalugit ilaatigut oqimaassutsimik annasaqartarpoq. Oqimaatigiissitsineqarpat uukkaasut aamma sermip immap tungaanut kuunnera assigiissapput.


Sermits imaanut atasut arealiisa allanngoriartornerat 1999-imiilli qaammataasanit Sentinel-2, LANDSAT aamma ASTER'imit uuttorneqartarsimapput. Uuttortaanerit taakku takutippaat sermit imaanut atasut annersaat 7 2018-imiilli ataatsimut katillugit  $-71,2 \pm 1,4 \text{ km}^2$  annaasimagaat. Taamatut annasaqarneq ukiuni 2013-2018 aalaakkakannersumik annertuumik annasaqarfiusimanngitsup kingorna annasaqarfiuvoq annerpaaq. Sermit pineqartut tassaapput Helheim, Kangerdlugssuaq, Jakobshavn, Rink, Zachariae, Nioghalfjerdssfjordenbræ aamma Petermann. Arealimik annasaqarnerpaaq tassa Nioghalfjerdssfjordenbræ. Taakkunannga sermit 3 arealimik annasaqarput (Helheim, Zaccaria aamma Nioghalfjerdssfjordenbræ), 2 arealimik allippuit (Kangerlussuaq aamma Petermann), 2-lu nikigatik (Jakobshavn aamma Rink). Annaasaq annerpaaq Nioghalfjerdssfjordenbræ'mi pivoq sermip ilaata Spalte issheff'ip uukkarneranut atatillugu. Petermannip allismanera angisuunik uukkartoqarsimannginneranik isikkoqarpoq. Taamaattorli qupparsuaq siumut ingerlavoq, siunissamilu areali aqqaneqmarlukkaanik arlalinnik  $\text{km}^2$  angitigisup annaanissaa ilimagineqarsinnaalluni.

Aammattaaq PROMICE'p uukkaanikkut ilulianngortartut nalilertarpai qaammataasanit Sentinel-1A aamma -1B. Taamaalillutik



**Takuss. 5:** Titarnerup ersersippaa Kalaallit Nunaanni sermit imaanut atasut anginerpaat 7 arealiisa ataatsimut katillugit allannngorsimanaerat. Takutippaa sermit taakku 2018-imiilli areali  $-71,2 \pm 1,4 \text{ km}^2$  annaasimagaat. Taamatut annaasaqarneq ukiuni 2013-2018 aalaakkakannersumik annertuumik annaasaqarfiusimanngitsup kingorna annaasaqarfiuvoq annerpaaq.

qaammataasat sermit imaanut qanoq sukkatigisumik kuunnerat sinaat sinerlugu uuttortartarpaat. Sukkassuseq taanna tunngavigalugu sermip imaanut uukkaattartup annertussusaa naatsorsorneqarsinnaavoq. Piffissami 1981-2010 uukkaanikkut agguaqatigiissillugu annaaneqarsimasoq 449 Gt-iuvoq. Piffissami 2005-2018 agguaqatigiissillugu annaaneqartoq ukiumut 484-503 Gt-imut qaffassimavoq. Ukumi naatsorsuiffiusumi 2018-2019 annaaneqartoq anginerulaarsimavoq ullanrlu 31. august 2019 497 Gt angullugu. Sumiiffiit amerlanersaat ukiuni kingullerni 10-ni aalaakkakannersumik annaasaqartarsimapput. Kitaata Avannaata piffissami 1998-2018 sermimik annaasaqarnera 21% missaaniittumik atajuartumik annertusiartuinnavissimavoq.



**Takuss. 6:** Uukkaannerit piffissanut nalunaarsorneri. Toornerit alapernaarsuinerit qanga pisimasut nalunaarpaat (killiliissut > 50%-imik inunnigisa). Titarnerup orangiap kipisimasup agguaqatigiissut ukiumoortoq takutippaa (ukiumut alapernaarsuinernut 3-innaapput imaluunniit 4-annaapput).


## Qatsissutsinik aamma oqimaassutsinik allanngornerit

Qaammataasat GRACE piffissami 2002-2017 nalunaarsuutinik Sermersuup tamakkerlugu oqimaassusaata naatsorsornissaanut atugassanik tunioraapput, tassunga ilaallutik qaavata initussusaata oqimaassusaatalu imminnut naleqqiunneri aamma sermit imaanut uukkartartut aqqutigalugit annasat.

Nalunaarsuutit taakku takutippaat Sermersuup 2012 tikillugu ukiut tamaasa agguaqatigiissillugu sermeq 260 Gt annaasaraa, aamma 2012-imi aaffiusup nalaa 458 Gt-inik annaasaqarfiusoq nalinginnausuusimanngitsoq. Taanna tassa tamakkerlugu oqimaassusaa, t.i. SMB uukkarsimasut aamma sermit imaanut atasut aassimaneri ilanngaatigalugit.

Siunertaq GRACE 2017-imi unitsinneqartariaqarsimavoq qaammataasap aappaata batteriivi nungussimammata. Taama pisqarmat ajoraluwartumik qaammataasamik nutaamik kaavittoqarsimanngilaq, aatsaallu 22. maj 2018 qaammataasat nutaat 2 aallartinneqarput. Tassaapput qaammataasat GRACE-FO (GRACE Follow On) qaammataasat GRACE siullit taartissaat. Qaammataasami GRACE-FO'mi atortorissaarutit ilaat ataaseq pissusissamisut ingerlasinnaasimangilaq, nalunaarsuutilu sukumiisumik uppernarsarlugillu misissoqqissaarnissaat sulissutiguarneqarpoq. Kalaallit Nunnaat pillugu nalunaarsuutaagallartut tamakkersimasumik takutippaat GRACE-FO Kalaallit Nunaata nalaanut ajoriinnagassaanngitsumik atorsinnaasoq. Kalaallit Nunnaannut inernerit inaarutaasut GRACE-FO-meersut Polarportalenimut ikkunnissai sulissutigineqarpoq.

Maanna naatsorsuiffiusumi 2018-2019 nalunaarsuutit qaammataasamit Copernicus Sentinel-3A-mit pisut tapertaralugit atorneqarsinnaasimapput, taanna maangamut qatsissutsinik ima sivisutigisumik uuttortaasimalerpoq allaat Sermersuarmi qatsissutsit aalaakkaasumik allanngornerinik alapernaarsuinermut atorsinnaalerluni. Sulili qaammataasap sermip killinganiit nalunaarsuutai unammillernartoqarput, taamaammallu Sentinel-3A nalunaarsuutinik qaammataasamit Cryo-Sat-2-mersunik ataqatigiissaarneqartarpooq. Takuss. 6-imii januar 2016-imiit december 2018-imut ukiut tamaasa qatsissutsit allanngorneri takuneqarsinnaapput. Nunap assingani radari atorlugu qatsissutsinik uuttuinerit najoqqutarineqarput. Uuttuinerit taakku takutippaat Ilulissat Kangiani Sermip saarpiaa ukiuni kingullerpaani issutsissimasoq.




**Takuss. 7:** Nunap assingani piffissami januar 2016-imiit december 2018-imut ukiut tamaasa qatsissutsit allanngorneri takuneqarsinnaapput nalunaarsuutit Sentinel-3A aamma CryoSat-2-meersut najoqqutaralugit.

## Sermersuup albedoa 2019-imi aatsaat taama appasitsigaaq

Qaavata initussusaata oqimaassusaatalu imminnut naleqqiunniarlugit naatsorsuinermi ullumikkut atorneqartarpoq "qaavani nukimmik missingersuusioriaaseq", albedomik nalunaarsukkat tassani ilaallutik. Albedo tassaavoq suup qaavata seqernup qinnguaanik utertitsisinnassusia. Suup qaava qaamanerujartornera ilutigalugu seqernup qinnguaanik utertitsisinnassusia pitsaanerulertarpoq, tassa albedoa annerusarpooq. Akerlianik suup qaava taartoq seqernup nukinga anginerusoq unartutut attatarilersarpaa. Qammataasaruna MODIS (Moderate-resolution Imaging spectroradiometer) ukioq 2000-imiilli albedo pillugu nalunaarsukkanik pilersuisimasoq Nunarsuup seqernup qinnguaanik utertitsarnerinik alapernaarsuinikkut.

2019-imi aasap naalernerani albedo aatsaat taama annikitsigisimavoq, tassalu imaappoq sermip nunap ilaanut annertuunut agguaqatigiissutaasuminngarnit nukik assut minnerusoq utertittarsimagaa.



**Takuss. 8:** Takussutissiami takuneqarsinnaavoq 2012-imi aamma 2019-imi albedomik uuttuinerit ulla tamasa agguaqatigiissutaat. Aggustusimi albedo aatsaat taama appasitsigisimasoq takuneqarsinnaavoq. Tassa imaappoq sermip nunap ilaanut annertuunut agguaqatigiissutaasuminngarnit nukik assut minnerusoq utertittarsimagaa.

---

## **Julimi immap sikuata siamasissusia ukiuni 40-ni aatsaat taama annikitsigaaq**

Issittup qeqqani issisiut 0 qummut qaangeraangagu immap sikuata aakkartornini aallartittarpaa. 2019-imi pisarnermit siusinnerusumik immap sikua aalerpoq, sumiiffiit ilaanni qaammammik ilivitsumik siusinnerulluni.

Immap sikuata siammarsimanera upernaakkut aatsaat taama annikitsigereersimavoq, aasallu kiaqisupajornerulersiinnarlugu. Aamma juli 2019 ukiuni 40-ni qaammataasaq atorlugu uuttortaasimanerni tassaalerpoq qaammat sikukinnerpaaffiusoq. Sumiiffiit junimi sikuerutereertut seqinermit uunnanneqarsimapput allaat Kalaallit Nunaata kitaani Baffinip Kangerlumarnani, imartap Laptev'ip avannamut kangiani aamma Siberiap avannamut kitaani imartami Karami pisarnermit 4 gradinik kiannerusimalluni. Immap kiannerusup kingunerisaanik siku suli anginerusoq aassimavoq.


Ulloq 17. septemeber issittumi immap sikuata ukiumi siammarsimaffini minnerpaaq anguaa, tassaasoq  $4.583.125 \text{ km}^2$ . Tassa Danmarkip angissusaata 100-riaataata missaa. Siammarsimaffik minnerpaaq taanna 2019 immap sikuata siammarsimaffiisa minnerpaavisa, alla peqatigalugu, aappaattut inissippaa. Aappaattut inissinnermi peqatigisaq tassaavoq 2006, 2012-ilu suli tassaalluni ukioq immap sikuata siammarsimaffiata minnerpaap minnerpaaffia.

Immap sikuata qereqqittalernera 17. september aallartippoq kisiannili akornuserneqarluni sikup eqqaani immap kissarnera pisarnermit suli 2-4 gradinik kissarnerummat.

Immap sikua silaannarmut pingarpoq qaamasummat taamalu albedoa annertulluni. Immap sikuata annikilliarnera ilutigalugu Issittumi immap qaavi taartut seqernup nukinganik milluartartut alliartuinnassapput, taamalu sikup kissatsinneranut aannissaanullu suli aamma tuniseqataalluni.

Aamma seqernup nukingata immap kissatsikkiartornera annertusartarpaa, taassumalu ukiakkut sikuniartarnera kinguarsartarlugu. Tassa imaappoq ukiup ingerlanerani siku issutsinnissaminut piffissakinnerusartoq. Kingunerisinnaavaa upernaakkut saannerusoq siusinnerusumillu sikuertarluni. Aammattaaq immap sikuata aakkartortup immap sikuanit nillertumit qerisumillu seqernup qaamarna anginerusoq milluartarpaa

Allatut oqaatigalugu immap sikuata sakkortuumik aannera imminik sakkortusartumik sunniuteqarpoq, kinguneralugu aanneq suli aannerunermik kinguneqartoq. Siku ukiuni arlalinni atasartoq nangittumik qulluussappat immap sikuata allanngujaassusia nungoratarsinnaassaaq. Siku ukiuni arlalinni atasartoq quilloarluni kujammut saavippat (taqqavanilu aattussaalluni) issittup imarpissuani aasat sikuersimasut pilernissaat annertuumik eqgasuutigineqarsinnaavoq.



**Takuss. 9:** Immap sikuata siammarsimassusia pillugu DMI'p titarnera 17. september 2019-imeersoq, ukiup naatsorsuiffiusup ullua sikup annikinnerpaamik siammarsimassusia. Nunap assinga amma titartagartaliussineq EUMETSAT's OSISAF'ip sikut eqimassusiit pillugit naatsorsuinerannik tunngaveqarpoq, takutillugulu imartat 15%-imik anginerusumik sikusimasut arealii. Titartagartaliussaq Polar Portalimiit.

### Issittumi immap sikuata siammarsimassusia

Issittumi immap sikuata siammarsimassusia amerikamiut NSIDC-mit amma europamiut EUMETSAT-imit – taannalu aqqutigalugu DMI-mit – sukumiisumik misissorneqartarpooq. Misissuisarfiet marluk tamarmik qaammataasanit nalunaarsuutit taakkorpiaat najoqquutarisarpaat kisianni imaannaap nalaatigut amma sikut sinaavi sinerlugit "ersernerluttut" assigiinngilaartumik suliarisarpaat. Taamaammat siammarsimassutsit pillugit titarneri tamatigut assigeeqqissaarneq ajorput. Kisitsit europameersut nalunaarsukkat DMI'mi ilisimatuunit pisut aqqutigalugit qulaajagaapput, ilaatigullu atuagassiami The Cryosphere saqqummersinneqarsimallutik.

Sikup siammarsimassusianik alapernaarsuinerit takutippaat issittumi aasaanerani sikup arealia 1970'ikkulli naalerneranni ukiut tamaasa agguatigiiillugu  $94.000 \text{ km}^2$  missaannik annikillisarsimasoq. Tassa Danmarkip nunaata arealiata marloriaataanik anginerusoq.

	Jan	Feb	Mar	Apr	May	Jun	Jul	Aug	Sep	Oct	Nov	Dec
1979	15.69	16.44	16.61	15.74	14.18	12.77	10.76	8.4	7.47	6.96	11.17	13.6
1980	15.27	16.27	16.32	15.67	14.04	12.5	10.71	8.55	8.08	9.42	11.56	13.89
1981	15.24	15.89	15.87	15.33	14.05	12.71	10.97	8.46	7.73	9.2	11.14	13.7
1982	15.46	16.39	16.41	15.77	14.23	12.81	11.07	8.62	7.75	9.57	11.64	13.88
1983	15.22	16.25	16.31	15.45	13.7	12.53	11.13	8.66	7.9	9.5	11.49	13.54
1984	14.69	15.57	15.86	15.23	13.72	12.33	10.47	8.3	7.37	8.71	10.9	13.27
1985	14.99	15.72	16.2	15.54	14.21	12.45	10.41	7.91	7.24	8.76	11.04	13.31
1986	15.07	16.05	16.18				10.71	8.38	7.86	9.62	11.52	13.54
1987	15.42	16.28	15.99	15.39	13.91	12.72	10.64	7.99	7.69	9.27	11.28	
1988	15.27	15.84	16.23	15.28	13.55	12.09	10.25	8.14	7.69	9.32	11.34	13.61
1989	15.07	15.66	15.65	14.44	13.02	12.32	10.57	8.09	7.26	8.99	11.11	13.45
1990	14.86	15.76	16.08	14.77	13.24	11.73	9.76	7.06	6.5	8.4	11.06	13.05
1991	14.44	15.44	15.56	15.01	13.48	12.13	9.93	7.7	6.8	8.69	10.89	13.05
1992	14.8	15.6	15.64	14.8	13.25	12.39	10.57	8.19	7.75	9.4	11.35	13.48
1993	15.0	15.78	15.92	15.18	13.37	11.92	9.92	7.64	6.75	8.93	11.35	13.42
1994	14.83	15.73	15.75	14.93	13.69	12.02	10.29	7.95	7.51	9.0	11.06	13.34
1995	14.69	15.3	15.33	14.49	12.95	11.54	9.37	7.09	6.44	8.08	10.71	12.98
1996	14.29	15.31	15.32	14.34	13.11	12.15	10.49	8.4	7.88	9.23	10.39	12.93
1997	14.53	15.62	15.68	14.65	13.22	11.83	9.86	7.49	6.96	8.53	10.81	13.26
1998	14.83	15.94	15.75	15.02	13.46	11.84	9.83	7.77	6.91	8.69	10.54	12.9
1999	14.52	15.42	15.49	15.18	13.82	11.91	9.79	7.51	6.5	8.85	10.9	12.77
2000	14.34	15.27	15.33	14.66	13.2	11.74	9.91	7.49	6.67	8.61	10.44	12.77
2001	14.34	15.39	15.65	14.93	13.6	11.56	9.47	7.71	7.06	8.53	10.71	12.7
2002	14.43	15.48	15.45	14.4	13.03	11.68	9.69	6.95	6.16	8.38	10.43	12.77
2003	14.57	15.44	15.78	14.65	13.06	11.73	9.66	7.28	6.49	8.13	10.19	12.74
2004	14.13	15.08	15.13	14.09	12.55	11.51	9.83	7.13	6.24	8.12	10.43	12.66
2005	13.71	14.54	14.87	14.16	13.6	11.26	9.18	6.59	5.76	7.65	10.29	13.37
2006	13.63	14.5	14.58	14.0	12.63	11.11	9.0	6.9	6.28	7.9	9.82	12.22
2007	13.88	14.09	14.77	14.11	12.93	11.43	8.47	5.77	4.63	6.48	9.95	12.29
2008	14.12	15.21	15.41	14.58	13.12	11.47	9.21	6.54	5.22	7.76	10.5	12.58
2009	14.22	15.09	15.31	14.74	13.39	11.64	9.29	6.64	5.76	7.34	10.0	12.47
2010	13.92	14.8	15.39	14.95	13.07	10.94	8.99	6.49	5.4	7.44	9.84	12.08
2011	13.7	14.61	14.81	14.34	12.92	11.13	8.66	6.14	5.05	6.91	9.95	12.48
2012	14.01	14.85	15.55	14.92	13.22	11.06	8.44	5.37	4.06	6.29	9.6	12.34
2013	13.99	14.97	15.15	14.47	13.21	11.68	8.74	6.44	5.54	7.8	10.15	12.4
2014	13.95	14.77	15.08	14.32	12.89	11.35	8.72	6.53	5.68	7.58	10.28	12.57
2015	13.79	14.61	14.6	14.13	12.61	11.16	9.11	6.2	5.14	7.38	10.01	12.16
2016	13.69	14.41	14.65	13.89	12.09	10.76	8.63	6.01	5.02	6.47	8.93	11.78
2017	13.47	14.42	14.54	13.95	12.73	11.06	8.68	5.99	5.28	7.12	9.71	12.04
2018	13.33	14.23	14.52	13.89	12.4	11.05	8.99	6.07	5.21	6.52	10.09	12.12
2019	13.8	14.62	14.78	13.62	12.32	10.93	8.43	5.6	4.76	6.03		



## Annerpaaffik      Immap Sikuata Siammarsimaffia      Minnerpaaffik

(OSISAF, qaammatikkaartumik agguaqatigiissillugu immap sikuata siammarsimaffianut uuttuuitit, Nunarsuup Affaa Avannarleq [Mill. km<sup>2</sup>])

**Takuss. 10: Takussutissiami takuneqarsinnaavoq issittumi immap sikuata qaammammut agguaqatigiissillugu siammarsimassusia 1979-imiit oktober 2019-ip tungaanut qanoq ineriertorsimasoq. Siammarsimassusia OSI SAF (OSI 450)-imiit nalunaarsuutit, silaannaq pillugu nalunaarsuutinik nalunaarsuisarfiugallartoq ICDR, OSI-430-b kiisalu nioqqusiaq Near-Real-Time (NRT) tunngavigalugit naatsorsorneqarpooq. Qaammammut aannerit qaffasingaaramik rekortiliisut aappalaartuupput.**